

REVIFORM d.o.o. SARAJEVO
AUDIT, ACCOUNTING AND CONSULTING
Sarajevo, Đoke Mazalića 1
tel / fax (+ 387) 033 227 479 and 062 335 496
E - Mail: reviform@bih.net.ba

CENTAR ZA PROMOCIJU CIVILNOG DRUŠTVA

GODIŠNJI FINANSIJSKI IZVJEŠTAJI
I
IZVJEŠTAJ NEOVISNOG REVIZORA

na dan 31. decembra 2019. godine

Sarajevo, mart 2021. godine

UVOD

Centar za promociju civilnog društva (CPCD) je lokalna, nevladina, neprofitna organizacija osnovana 1996. godine, sa sjedištem u Sarajevu, Bosna i Hercegovina.

Strateški ciljevi CPCD-a su: stvaranje okruženja koje omogućava razvoj civilnog društva; promocija i razvoj građanske inicijative i participativne demokratije i institucionalni razvoj CPCD-a.

CPCD ima veliko iskustvo u demokratskim procesima koje rezultira institucionalnim partnerstvom civilnog društva i vlasti na različitim nivoima. Specijalizovani su za izgradnju kapaciteta građanskih entiteta i pojedinaca. U isto vrijeme, oni razvijaju organizacioni kapacitet i jačaju vlastite kapacitete.

CPCD djeluje na cijelom teritoriju Bosne i Hercegovine.

Glavni ciljevi i aktivnosti, prema Statutu CPCD-a, usmjereni su na:

- Zalaganje za promociju i izgradnju jakog civilnog društva u BiH i proširenje saradnje u oblastima od zajedničkog interesa sa domaćim, stranim i međunarodnim vladinim i nevladinim organizacijama i institucijama;
- Podrška procesu pomirenja među različitim nacionalnim i etničkim skupinama koje žive u BiH kao i podrška jačanju povjerenja i uzajamne tolerancije;
- Promocija poštivanja i zaštite osnovnih ljudskih prava i sloboda u savremenom basanskohercegovačkom multietničkom, multikonfesionalnom i multikulturalnom društvu;
- Promocija i zaštita prava svojine građana, slobodu kretanja i slobodan izbor prebivališta, slobodu udruživanja, te svih drugih osnovnih ljudskih prava i sloboda u skladu sa potpisanim i direktno primjenjivim međunarodnim konvencijama;
- Promocija i promicanje slobode misli, medijskih sloboda, slobode izražavanja i vjere;
- Promocija i podupiranje dugoročnog procesa razvoja višestranačke parlamentarne demokratije i izgradnje novih pluralističkih, transparentnih i demokratskih institucija i političkih struktura;
- Promocija demokratije i širenje svijesti građana o značaju njihovog aktivnog uključivanja u lokalne političke procese;
- Zalaganje za veće učešće marginalizovanih skupina, te žena i mladih u političkom i javnom životu na svim razinama društva;
- Popularizacija i širenje svijesti građana o značaju volonterskog rada;
- Jačanje povjerenja građana u rad udruženja i fondacija, te različite oblike interesnog organizovanja i udruživanja građana, i boljeg;
- Jačanje kapaciteta kroz treninge / edukacije, obrazovanje odraslih;
- Pružanje pravne pomoći, savjetovanja i zastupanja pred sudom;

Organi CPCD-a

U skladu sa Statutom organi CPCD-a su:

1. Skupština
2. Upravni odbor

Predsjednik Skupštine CPCD-a je Milan Mrđa.

Članovi Upravnog odbora su:

1. Hajra Borovina, predsjednica;
2. Snježana Ivandić – Ninković, članica;
3. Tarik Aščerić, član;
4. Omir Tufo, član;
5. Slaviša Prorok, član.

Direktorica CPCD-a je Aida Daguda.

Interni akti

Pored usvojenih općih akata (Statut, Etički kodeks, itd.), CPCD je usvojio odgovarajuće interne pravilnike i procedure, uključujući sljedeće:

- Finansijska procedura;
- Pravilnik o nabavkama;
- Pravilnik o računovodstvu;
- Pravilnik o blagajničkom poslovanju;
- Pravilnik o načinu korištenja službenih automobila kao i korištenju privatnih automobila u službene svrhe;
- Sigurnosni pravilnik informacijskih sistema CPCD;
- Pravilnik o radu UO;
- Upravljanje Organizacijom u nepredviđenim situacijama, itd...

U 2019. godini CPCD je zapošljavao 16 osoba (2018.: 11 osoba).

Zapošljavanje osoblja zavisi od broja i obima projekata, razvoja i donacija.

Adresa CPCD-a:

Marka Marulića 2/3

71000 Sarajevo

Bosna i Hercegovina

ODGOVORNOST ZA FINANSIJSKE IZVJEŠTAJE

U skladu sa Zakonom o računovodstvu i reviziji FBiH ("Službene novine FBiH", br. 83/09), za knjigovodstvo i računovodstvo pravne osobe odgovoran je njegov direktor. Uprava je dužna pobrinuti se da za svaku finansijsku godinu budu sastavljeni finansijski izvještaji u skladu sa Međunarodnim standardima finansijskog izvještavanja (MSFI) koje je objavio Odbor za međunarodne računovodstvene standarde, koji pružaju istinit i fer pregled stanja u CPCD-u, kao i njegove rezultate poslovanja za navedeno razdoblje.

Nakon provedbe odgovarajućeg istraživanja, Uprava opravdano očekuje da će CPCD u dogledno vrijeme raspolagati odgovarajućim resursima, te stoga i dalje usvaja načelo vremenske neograničenosti poslovanja pri sastavljanju finansijskih izvještaja.

Odgovornosti Uprave pri izradi finansijskih izvještaja obuhvataju sljedeće:

- odabir i dosljednu primjenu odgovarajućih računovodstvenih politika,
- davanje opravdanih i razboritih prosudbi i procjena,
- postupanje u skladu sa važećim računovodstvenim standardima, uz objavu i obrazloženje svih materijalno značajnih odstupanja u finansijskim izvještajima, i
- sastavljanje finansijskih izvještaja pod pretpostavkom vremenske neograničenosti poslovanja, osim ako pretpostavka da će CPCD nastaviti poslovanje nije primjerena.

Uprava je odgovorna za vođenje odgovarajućih računovodstvenih evidencija, koje u svakom trenutku s opravdanom tačnošću prikazuju finansijski položaj CPCD-a. Također, Uprava je dužna pobrinuti se da finansijski izvještaji budu u skladu sa Zakonom o računovodstvu FBiH. Pored toga, Uprava je odgovorna za čuvanje imovine CPCD-a, te za poduzimanje opravdanih koraka za sprečavanje i otkrivanje prevare i drugih nepravilnosti.

Za i u ime Uprave:

Aida Daguda, direktorica



Centar za promociju civilnog društva
Marka Marulića 2/3
71000 Sarajevo
Bosnia and Herzegovina

31.03.2021. godine

REVIFORM d.o.o. SARAJEVO
AUDIT, ACCOUNTING AND CONSULTING
Sarajevo, Đoke Mazalića 1
tel / fax (+ 387) 033 227 479 and 062 335 496
E - Mail: reviform@bih.net.ba

IZVJEŠTAJ NEOVISNOG REVIZORA

Mišljenje

Obavili smo reviziju godišnjih finansijskih izvještaja Centra za promociju civilnog društva, koji obuhvaćaju izvještaj o finansijskom položaju (bilans stanja) na 31. decembra 2019. godine, račun dobiti i gubitka za tada završenu godinu te bilješke uz finansijske izvještaje, uključujući i sažetak značajnih računovodstvenih politika.

Prema našem mišljenju, priloženi godišnji finansijski izvještaji *istinito i fer prikazuju* finansijski položaj Centra za promociju civilnog društva na 31. decembra 2019. godine i njegovu finansijsku uspješnost za tada završenu godinu u skladu sa Međunarodnim standardima finansijskog izvještavanja (MSFI) i Zakonom o računovodstvu i reviziji BiH.

Osnova za mišljenje

Obavili smo našu reviziju u skladu sa Zakonom o računovodstvu i reviziji FBiH i Međunarodnim revizijskim standardima (MRevS-ima). Naše odgovornosti prema tim standardima su detaljnije opisane u našem izvještaju neovisnog revizora u *odjeljku o revizorovim odgovornostima za reviziju godišnjih finansijskih izvještaja*. Neovisni smo od CPCD-a u skladu s Kodeksom etike za profesionalne računovođe (IESBA Kodeks) i ispunili smo naše ostale etičke odgovornosti u skladu s IESBA Kodeksom. Vjerujemo da su revizijski dokazi koje smo dobili dostatni i primjereni da osiguraju osnovu za naše mišljenje.

Odgovornosti uprave i onih koji su zaduženi za upravljanje za godišnje finansijske izvještaje

Uprava je odgovorna za sastavljanje godišnjih finansijskih izvještaja koji daju istinit i fer prikaz u skladu s MSFI-ima, i za one interne kontrole za koje uprava odredi da su potrebne za omogućavanje sastavljanja godišnjih finansijskih izvještaja koji su bez značajnog pogrešnog prikaza uslijed prevare ili pogreške.

U sastavljanju godišnjih finansijskih izvještaja, uprava je odgovorna za procjenjivanje sposobnosti CPCD-a da nastavi s poslovanjem po vremenski neograničenom poslovanju, objavljivanje, ako je primjenjivo, pitanja povezana s vremenski neograničenim poslovanjem i korištenjem računovodstvene osnove utemeljene na vremenskoj neograničenosti poslovanja, osim ako uprava ili namjerava likvidirati CPCD ili prekinuti poslovanje ili nema realne alternative nego da to učini.

Oni koji su zaduženi za upravljanje su odgovorni za nadziranje procesa finansijskog izvještavanja kojeg je ustanovio CPCD.


Revizorove odgovornosti za reviziju godišnjih finansijskih izvještaja

Naši ciljevi su steći razumno uvjerenje o tome jesu li godišnji finansijski izvještaji kao cjelina bez značajnog pogrešnog prikaza uslijed prevare ili pogreške i izdati izvještaj neovisnog revizora koje uključuje naše mišljenje. Razumno uvjerenje je viša razina uvjerenja, ali nije garancija da će revizija obavljena u skladu s MRevS-ima uvijek otkriti značajno pogrešno prikazivanje kada ono postoji. Pogrešni prikazi mogu nastati uslijed prevare ili pogreške i smatraju se značajni ako se razumno može očekivati da, pojedinačno ili u zbiru, utiču na ekonomske odluke korisnika donesene na osnovi tih godišnjih finansijskih izvještaja.

Kao sastavni dio revizije u skladu s MRevS-ima, stvaramo profesionalne prosudbe i održavamo profesionalni skepticizam tokom revizije. Mi također:

- prepoznavamo i procjenjujemo rizike značajnog pogrešnog prikaza godišnjih finansijskih izvještaja, zbog prevare ili pogreške, oblikujemo i obavljamo revizijske postupke kao reakciju na te rizike i pribavljamo revizijske dokaze koji su dostatni i primjereni da osiguraju osnovu za naše mišljenje. Rizik neotkrivanja značajnog pogrešnog prikaza nastalog uslijed prevare je veći od rizika nastalog uslijed pogreške, jer prevara može uključiti tajne sporazume, krivotvorenje, namjerno ispuštanje, pogrešno prikazivanje ili zaobilaženje internih kontrola.
- stičemo razumijevanje internih kontrola relevantnih za reviziju kako bismo oblikovali revizijske postupke koji su primjereni u danim okolnostima, ali ne i za svrhu izražavanja mišljenja o učinkovitosti internih kontrola CPCD-a.
- ocjenjujemo primjerenost korištenih računovodstvenih politika i razumnost računovodstvenih procjena i povezanih objava koje je stvorila uprava.
- zaključujemo o primjerenosti korištene računovodstvene osnove utemeljene na vremenskoj neograničenosti poslovanja koju koristi uprava i, temeljeno na pribavljenim revizijskim dokazima, zaključujemo o tome postoji li značajna neizvjesnost u vezi s događajima ili okolnostima koji mogu stvarati značajnu sumnju u sposobnost CPCD-a da nastavi s poslovanjem po vremenski neograničenom poslovanju. Ako zaključimo da postoji značajna neizvjesnost, od nas se zahtjeva da skrenemo pažnju u našem izvještaju neovisnog revizora na povezane objave u godišnjim finansijskim izvještajima ili, ako takve objave nisu odgovarajuće, da modificiramo naše mišljenje. Naši zaključci se temelje na revizijskim dokazima pribavljenim sve do datuma našeg izvještaja neovisnog revizora. Međutim, budući događaji ili uvjeti mogu uzrokovati da CPCD prekine s nastavljanjem poslovanja po vremenski neograničenom poslovanju.
- ocjenjujemo cjelokupnu prezentaciju, strukturu i sadržaj godišnjih finansijskih izvještaja, uključujući i objave, kao i odražavaju li godišnji finansijski izvještaji transakcije i događaje na kojima su zasnovani na način kojim se postiže fer prezentacija.

Mi komuniciramo s onima koji su zaduženi za upravljanje u vezi s, između ostalih pitanja, planiranim djelokrugom i vremenskim rasporedom revizije i važnim revizijskim nalazima, uključujući i u vezi sa značajnim nedostacima u internim kontrolama koji su otkriveni tokom naše revizije.


Alma Jahić, direktor


Suada Šljivo, certificirani revizor



Sarajevo, 31.03.2021. godine